

照顧者關注組

出席 2012 年 10 月 25 日立法會 提交意見書

[全民養老金精算]方案 亦或 [特惠生果金]

可以即時幫到真正有需要人士, 誰對年青及下一代不負責任

近日, 有高官, 與不少御用學者, 於傳媒, 輪流誤導市民.
令到有市民, 以為**撤銷**審查, **長遠**會引致庫房出現 [赤的疑惑]
其實, 若果市民了解 [全民養老金] 方案, 正正就可以拆解到這些疑惑.
方案 有以下特點:

1. [全民養老金] 是三方供款 有儲蓄性方案, 好天斬埋落兩柴,
方案 實施之後, 將 強積金嘅一半,
長者綜援金 基本金, 不計算其他津貼,
生果金,
一齊撥入大水塘, 作為儲備金.
2. 中間階層, 記住係中間嘅階層, 同埋基層 係不需增加支出,
3. 供款人自己, 同埋兄妹嘅配偶, 每個家庭嘅長者親屬, 若果係香港居民, 65 歲, 可以即時, 係即時可以受惠, 每個月有 3000 元嘅[全民養老金], 減輕家族嘅負擔.
4. 供款者嘅家庭照顧者配偶, 同埋下一代將來都受到保障.
5. 方案亦都可以保障到強積金未能保障嘅人士, 例如:家庭照顧者, 供款年期短, 已退休, 殘疾, 低收入, 都可以受保障.

唯一需要增加支出嘅 係年賺千萬 嘅企業, 只係額外增加 2 % 暴利稅, 中小型嘅商戶 係 唔需要增加支出. 小商戶, 唔會增加負擔

現時, 無論年賺千萬以上的大企業, 亦或街邊買花生零食的小商戶, 都交相同嘅 16% 利得稅, 令到貧富懸殊更嚴重.

2%暴利稅 不會導致撤資, 已發展國家 暴利稅高達 幾十個%, 落後國家 品質難控制, 同埋貪污嚴重, 依方面支出, 都難估計.

6. 有錢人與窮人都應該有平等權利, 可以領取全民養老金, 因為有錢人比窮人納稅多, 但將來人人都相同, 每個月領取三千元養老金, 依個正係有錢人津貼窮人的方案, 唔會對窮人不公平. 若果有錢人不需要, 可以唔去領取 或者捐作慈善. 全民養老金方案係幫到真正有需要的長者嘅方案. 不會令到長者的家人媳孀申領時, 要公開資

產私隱，更要顧主簽名，證明薪金，被人知道全家兄弟姐妹也沒用，因為要負擔自己家庭及高昂居住支出養不起父母，又要簽衰仔紙而感到受侮辱及難堪，被標織，引至家庭不和，不肯為長者申領綜援，而令到真正有需要的長者，寧可執紙皮，捱窮苦過活。

7. 政府遲遲不肯推行[全民養老金]，失去咗**初段儲蓄期**，需要注資**種子基金**五百億，先至能夠推行，若果再拖延，將要**增加種子基金嘅金額**，先至可以運作，對納稅人不公平。有遠見嘅政府，必須預早規劃，設立全民養老金。
8. 2039 年係人口老化高峰期，即是戰後嬰兒期，請問高官，係咪應該話比現時嘅青年知道，再唔攞全民養老金，就要等下一代 交重稅，去解決人口老化問題，是誰對年青一代不負責任。
9. [全民養老金] 因為有儲備，**唔會**因為經濟轉差，而唔能夠運作。係由精算師確認，可以持續運作超越 50 年，係**全民**都獲得保障，整個社會共同分擔風險，減輕**每個人承受風險**同埋負擔，嘅**穩健社會保險制度**，

政府應該將[全民養老金]議題放係專責小組研究，唔應該放係扶貧小組研究，. 全民養老金係所有人養老嘅問題，亦關係到勞工退休保障，唔係單指貧窮問題，[全民養老金] 令到曾經貢獻社會嘅所有人，到年老無工作能力時，有基本生活保障，不至跌入貧窮。

我哋要求 梁振英係任內，要落實推行 [全民養老金] 作為終極嘅方案，特惠生果金，唔足夠維持長者嘅基本生活，即使係增加金額，單靠稅款，係不能夠支持特惠金長遠運作，所以 特惠金應該只係短暫嘅 中途方案，既然唔係長期嘅，就唔需要審查，都足夠應付。即使延遲通過，亦應該追溯到 10 月起 計算金額，

明明有個可行嘅 全民養老金方案，2004 年已向政府建議，已經研究大約 10 年。上界梁振英係行政會議召集人，
臬解只係黑箱裏面作業，冇透明度，唔肯公開報告，政府若果反對，應該即時將報告公開，拿出理據來。公開討論。否則政府應該立即拿出時間表，路線圖，落實推行[全民養老金]